



Bentiaraq Ottosen

UKA 2023/17-1

Atassut

27. september 2023

## **Uunga siunnersuut: Naligiissitaaneq assigiinngisitsinnginnissarlu pillugit Inatsisartut inatsisaat**

(Aningaasaqarnermut, Naligiissitaanermut, Aatsitassanut, Inatsisillu Atuutsinneqarnerannut Naalakkersuisoq)

Naligiissitaaneq eqqartorneqartillugu sorpassuarnik taakkartuisoqarsinnaasarpoq, pingaarnertulli puigortakkatta ilagaat; pisortat suliffeqarfiini, pisortat kiffartuussinermikkut inuiaqatigiit akornanni immikkoortitsisarneq. Tamanna annertuupilussuarmik nunatsinni atugaasoq oqaatigineqarsinnaalluarpoq. Taamatullu politikeqqartoqarsimappat isumaqarpunga inuiaqatigiinni naligiissitaaneq eqqartorneqartillugu pisortat inuiaqatigiinnut kiffartuussinertik aaqeqqaartariaqaraat, maannakkummi isiginnaaginnartuusariaqannginnatta.

Assigiinngisitsinnginnissaq pillugu politikkeqarneq putunik ulikkaarnera eqqarsaatigalugu inuit pisussaaffii ilaatigut inuit pisinnaatitaaffii pillugit nunat tamalaat akornanni isumaqatigiissutigineqartut ilumut nunatsinni naapertuunnersut itinerusumik misissorneqaqqaartariaqarput. Misissuinerilli qanoq annertutigisumik naligiinngisitsilersinnaanerat najoqqutaralugu najoqqutassiortoqartariaqarluni.

Inuit tamat oqartussaanagerat kiffaanngissuseqarfigaarput, inuit tamat peqataatinneqarnissaat pingaaruteqarluinnartuummat. Qulakkeeqqaartariaqarparpulli tamatta inuinnaavugut immitsinnut assigiinngitsumik kinaassuseqartut, tamannalu ataqeqqissaarneqartariaqartoq isumaqarpunga. Isummagut assigiinngitsorujussuusinnaasarput, tamaasalu inissaqartinneqarnissaat pingaaruteqarluinnartuuvoq.

Pingaarnertut paaseqqaartariaqakkatta ilagaat ilumut sunniuteqarnerusumik paasiuminarnerusumillu malittarisassaqartariaqarnerpugut? Qulaani eqqaasakka eqqarsaatigalugit suli amigarsinnaasunik imaqarmat, taammaammat qulakkeerneqartariaqarpoq pisortat sullissinerminni pisussaaffigisariaqaraat illersorsinnaasariaqaraallu kiffartuussinermikkut inuit tamat qanoq

isikkoqaraluarpata, suiaaqatigiinoortuugaluarpata, timimikkut innarluuteqaraluarpata imaluuniit  
tarnimikkut inorluuteqaraluarpata ataatsimut nalilittut isigineqarnissaat qulakkeerneqassasoq.

Taamatut oqaaseqarlunga una siunnersuut itigartinneqarnissaa inassutigaaara, takusinnaannginnakku  
siunnersuummi pitsanngoriaataasinnaasut sumiinersut.

Qujanaq.